



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Vam Olden vnde Nyen Gade/ Vam Olden vnde Nyem
Louen vnde Lere/ Vnde wor heer allerley Affgöderie einen
ortsprung hefft**

Helgesen, Povel

Magdeborch, 1532

VD16 N 317

Teil der Vorrede

urn:nbn:de:hbz:466:1-34524

nen berricht geuen/dar vth eñ ytlich rechtuorsten
dich oppet negeſte ſyne ruwe querkamen mach/des
hadere vñ miſſvorſtandes velerley kercken deſtes
ſieck nicht beſunders annemen/ tho rügge wyſen/
alſe wandelbare / ſchedlyke / vnnütze vorgeues
dinge/der Götliken ſchriſſte ſieck na vögen/richten
den kern tho wriuen/dat kaſſ dem winde beuelen.
Alſo wert in deſſem böckelken angenangen orſake
vnſes elendes/blintheit/böſheit/van Adam ſines
vnlouens yn vns gebaren/vth welckerer worteln
alle affgöderye waſſen ys / vnde dorch hiſtörien
angetekent ere anuange mennigerley affgöder (ſo
wy nu Götte heten) alſe Lucifer/ Belus/ Pallas/
Juno/Venus/Saturnus/Jupiter. zc. na Christus
gebort de blintheit der Jöden / na den de Philoſ
ſophi/ Miſſvorſtandt der ſchriſſt dorch de kettere
tho leſt eyne vorheuinge der creature bauen Gott
dorch bedroch des Däuels/mit thoeginge Götli
ker walt (alſe wy ytzunt den paweſt nōmen) veler
ſmeicheler/van welckerem (vth miſſbruke ſynes
amptes) ein erdom na dem andern yn de ganzen
werlt gekamen ys/dat by na Christus ganz vth
gedelget ys/ganz vnbeſant/de tempel tho Rome
all wedder vpgedan/myt ſo mennigerleye ceremo
nien vnde ſo ſelzen Gades denſte/dat des nēn ena
de ys/alſe wy ſeen/althomale tho Rome beſtedi
get vnde vorlent/dat nicht vnbillick dar vor ge
achtet werden mochte / offt ock ein ander Entes
christ kamen ſcholle/alſe de/de ytzunt vp
deſſen dach tho Rome regert/Wente
Christus edder de Apoſtel heb
ben jo ſölckes nicht ge
lert noch geuört
wol vorba
den vñ vorſöket.